



Oapmegeahčči oassi

Vássán čavčča eanemusat milliibáhcci mu virgedoaimmain leat leamaš mánáiguin deaivvadeamit skuvllagalledemiin bismmadárkkistemiid oktavuodas. Mánáid gažaldagat leat leamaš vuoiggalačča ja leat guoskan buotlágan áššiid "almmi ja eatnama gaskkas": Leago dus mánát? Leago somá leat bisman? Man ollu bisma dine? Boarrásut skuvllalaččat leat jearran mus čavga gažaldagaid: Mii lea eallima ulbmil? Mii dáhpáhuvá jápmima maŋŋá? Mii lea oskkuluomusvuoda ja sátneluomusvuoda gaskavuohhta? Buoremus lági mielde lean iskan ná ge váttis gažaldagaide vástidit.

Skuvllagalledemiin mus leamašan fárus bismmasoabbi man vehkiin lean muitalan bismma barggu birra ja dan birra, go bisma gohčoduvvo dávjá oapmegeahččin. Bismmas lea soabbi, aivve dego oapmegeahččiin Jesusa áiggi Lahka-nuorttis. Oapmegeahčči nagodii soabbenadain suodjalit iežas ealu boraspiriid ovddas. Oapmegeahčči sáhtii doallat ealu čoahkis stivremiin soabbegežiin. Soappi badjeosiin oapmegeahčči sáhtii gádjut unna lábbá báktesálvvus. Lean muitalan, ahte muhtumassii seammasullasaččat bargá bisma oapmegeahččin. Suodjala, stivre ja doarju searvigottiid ja kristtalaččaid.

Dál ovdalaš juovllaid dát oapmegeahčči oassi juovlaevangeliumas lea maiddái mu hálahallan. Lukasa juovlaevangelium cealká vuos aivve deaivilit, ahte "dan guovllus ledje oapmegeahččit guođoheamen ealuset ihkku". Dát ihkku bargi oapmegeahččit suorganedje goit sakka, go Hearrá engiel čuočui sin ovddas. "Allet bala", ledje engela vuosttas sánit suorganan oapmegeahččiide.

Baluid jávkadeapmi ii goittot lean velá oapmegeahččiid gullan váldosáhka, muhto dat lei dát: "Didjiide lea otne riegádan Beasti Davida gávpogis. Son lea Kristus, Hearrá. Dát lea didjiide mearkan: Dii gávdnabehtet máná gissojuvvon ja veallámin kruppás." Go oapmegeahččit ledje sága gullan, sii vulge mátkái dalán doalvut illusága ovddos. "Vulgot Betlehemii!", lei sin doaibmaplánan. Ii fargga, iige ihttin, muhto dalán dál. Engela almmuhan sáhka lei oapmegeahččiid jáhkihan nu vuđolaččat, ahte ájahallamii ii lean sadji.

Juovlaevangeliumas oapmegeahččit leat dávjá siidorollas. Muittán iešge, go álbmotskuvlla juovlafeasttas čužžon vehá ravddabus sávdnebivttas badjelis ja sihkdagas giesastuvvon gahpir oaivvistan. Duođalaččat oapmegeahččiin lei hui dehalaš sadji vuosttas juovlajja dáhpáhusain. Dat lei ságadoalvu oassi.

Oapmegeahččit dihte, ahte sii berrejedje gávdnat dan báikki, gos mánáš vealládii kruppás. Go sii gávdne mánáža, de sii muitaledje dalán, buot mii lei sidjiide celkojuvvon máná birra. "Buohkat, geat dan gulle maid oapmegeahččit muitaledje, ovddošedje dan maid oapmegeahččit muitaledje." Illába oapmegeahččit ledje goassige šaddan jurddašit, ahte lpmil vállješii aiddo sin máilmmi historjjá nuppástuhtán sátnedoalvun.

Liikká aiddo oapmegeahččit besse leat dat vuosttas olbmot geat muitaledje Jesusa riegádeamis. Sáhka maid oapmegeahččit leat ovddosguovlluid dolvon lea seilon nuppástuvakeahhtá badjel 2000 jagi! Sávvamis juovllaid illusáhka olaha maiddái du váimmu. Mu mielas orru, ahte dat illusáhka lea dán gaskkohagaid jallabun nuppástuvvi máilmmi guovdu ain eanet áigejuovdil go goassige: "Ale bala. Beasti lea dutnje riegádan!"

Buressivdniduvvon juovllaid dutnje ja lagažiiddásat!

Oulus ovdalaš adveantta 2019

Jukka Kesitalo
Oulu bismagotti bisma